

Naalagaaffiup aktieselskabiinit nalunaarutinik tamanut saqqummiussineq pillugu Kalaallit Nunaannut nalunaarut

Aktie- aamma anpartsselskabit pillugit inatsimmi (ingerlatitseqatigiiffiit pillugit inatsit), kunngip peqqussutaatigut nr. 486, 14. maj 2018-imeersukkut Kalaallit Nunaannut atulersinneqartumi § 355 naapertorlugu aalajangersarneqarpoq:

Naalagaaffiup aktieselskabiinit nalunaarutit tamanut saqqummiunneri

§ 1. Naalagaaffiup aktieselskabiinit nalunaarutit, tak. ingerlatseqatigiiffiit pillugit inatsimmi, kunngip peqqussutaatigut Kalaallit Nunaannut atulersinneqartumi § 97, imm. 3, oqaaseqatigiit aappaat, § 101, imm. 8, § 130, imm. 3 aamma 354, ingerlatseqatigiiffiup aqqa aamma CVRnormua pillugu paasissutissanik imaqassapput.

Imm. 2. Naalagaaffiup aktieselskabiinit nalunaarutit ingerlatseqatigiiffiit il. il. pillugit Erhvervsstyrelsi imminut kiffartuussivia www.virk.dk aqutigalugu Erhvervsstyrelsi qarasaasiaqarfiani sapinngisamik sukanerpaamik tamanut saqqummiunneqassapput, immikkut pisuni tamanna pillugu Erhvervsstyrelsi immikkut akuersisimanngippat. Nalunaarutit digitalikkut ilisarnaammik atsiorneqassapput, immikkut pisuni tamanna pillugu Erhvervsstyrelsi immikkut akuersisimanngippat.

Imm. 3. Imm. 2-mi »sapinngisamik sukanerpaamik« paasineqassaaq ulloq taanna ingerlatseqatigiiffimmi pissutsit pingaaruteqartut pillugit nalunaaruteqarnissaq pisariaqartinneqalerluni, tak. ingerlatseqatigiiffiit pillugit inatsimmi, kunngip peqqussutaatigut Kalaallit Nunaannut atulersinneqartumi § 354.

§ 2. Pissutsit pingaarutillit taamatut pissutissaqartitsippata nalunaarutit tamanut saqqummiunneqarsimasut Erhvervsstyrelsimi utertinneqarsinnaapput. Utertitsinissaq pillugu noqqaassut tamanut saqqummiussinnermiit kingusinnerpaamik ullut arfineq marluk qaangiutsinnagit Erhvervsstyrelsimi tiguneqarsimassaaq. Nalunaarutit utertinnissaanut tunngaviussaaq ingerlatseqatigiiffiup nutaamik nalunaaruteqarnera, tassannga takuneqarsinnaalluni ingerlatseqatigiiffiup nalunaarummik tamanut saqqummiunneqarsimasumik utertitsinera kiisalu tamatumunnga tunngavilersuut.

Atuutilerluni il. il.

§ 3. Nalunaarut ulloq 1. juli 2018-mi atuutilerpoq.

Imm. 2. Ingerlatsivinni, naalagaaffiup aktieselskabiutaanut malittarisassanik atuisuni, piginneqataassutit ilaannik pigisaqartarneq pillugu aamma ingerlatsivinniit taamaattuniit nalunaarutinik nassiussisarneq tamanullu saqqummiussisarneq pillugit Kalaallit Nunaannut nalunaarut nr. 783, 10. juli 2008-imeersoq atorunnaarpoq.

Erhvervsstyrelsi, ulloq 29. maj 2018

HENNING STEENSIG

/ Henrik Davidsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut